

Grupo di Teatro Fofoti ta ripiti presentacion di obra familiar “Assepoester”

Awetardi den Cas di Cultura



ORANJESTAD – Diasabra ultimo e grupo di teatro Fofoti a presenta pa un sala di Cas di Cultura completamente yen, e premiere di e obra familiar “Assepoester”. Grandi y chikito a reacciona cu entusiasmo riba e storia di e mucha mujer maltrata dor di su madrastra y rumannan di crianza y cu no tabatin mag di bay e baile, pero

afortunadamente y cu ayudo di un hada madrina, tog ta haya e chens di por baila cu e prins. Un storia conoci, pero cu danki na Fofoti ta haya un bashi nobo. “Assepoester” of conoci tambe como “Cenicienta” ta un produccion teatral den idioma Hulandes di e storia cu mesun nomber. Cu e presentacion aki Fofoti kier

presenta su mes na un publico mas amplio. E storia famoso di Assepoester ta presta su mes hopi bon pa e obhetivo aki. Actor y directornan tin casi mitad aña ta traha duro pa pone e obra teatral aki riba pia. E ta un mezcla colorido di actuacion y baile, como tambe momentonan pret y emotivo. Dor di a inclui elementonan nobo ta crea un presentacion



di cual tanto mucha como hende grandi por sinti nan mes identifica. E Grupo di Teatro Fofoti ta un grupo amateur nobo na Aruba. E grupo ta bou direccion di un director cu experiencia. Fofoti ta enfoca riba e realizacion di teatro den e sentido amplio di e palabra. Algun actor tin experiencia riba escenario, otronan a realiza cu e presentacion aki nan debut. Tur miembro di e grupo a demostra un pasion berdadero

pa cu teatro. E premiere exitoso di “Assepoester” a demostra cu publico a sa di aprecia e entusiasmo aki. Dor di e prome presentacion aki, Fofoti ta desea di continua realiza teatro riba Aruba, pa y dor di hendenan di tur edad. “Assepoester” por ser aprecia un biaha mas den Cas di Cultura awe Diasabra 24 di januari. Inicio lo ta pa 4’or y entrada ta Afl. 10,- pa persona. Carchi ta obtenibel na Superfood y Van Dorp Book & Office Dakota.



Literatura den Bon Dia

Ernesto E. Rosenstand



Retrescando nos Papiamentu

EXPRESIONAN

Den tur idioma nos tin expresionnan.
Esakinan ta mara na e cultura di e pueblo.
Nos lo trece pa boso algun di nos expresionnan.
Nos expresion pa awe ta:

BAI CABES, CABES

E ta nifica:

PAREU, PAREU

Ban usa mas expresion den nos idioma.



**"FAVI FUNDACION
CU VISION"**

PALABRANAN

Ernesto E. Rosenstand

Desapareciendo

Idioma ta dinamico.
Constantemente e ta cambia.
Palabranan ta desapareciendo.
Otronan ta drenta.
Esei mes ta haci cu e ta bira.
No usa palabra nobo sin tin mester.
Un di e palabranan cu ta
desapareciendo ta:

BEDAR

E ta nifica:

BIRA MENOS... CALMA

Ban purba recupera algun di e
palabranan aki.

Nos Cultura

BAN USA CORECTAMENTE NOS IDIOMA

Den e frase aki tin un falta.

E TA BIN AKI NA UN LUNA.

UNDA E FALTA TA?

E falta ta cometi contra uso di e preposicion NA.

E expresion ta aki un luna.

E frase corecto lo mester a bira:

E TA BIN AKI UN LUNA.

Ban pone mas atencion riba uso di nos idioma.

Donkey Sanctuary Aruba

After the introduction of the automobile the Donkeys were set free. Because many of them lost their habitat, (housing projects all over the island, heavy traffic), mistreatment and ignorance, the Aruban Donkey today is at the edge of extinction.

There are 95 volunteers who take care of the wounded, mistreated and neglected Donkeys.

April 14, 1997 the foundation "Save our Donkey" was established. We started by gathering 13 Donkeys who continuously crossed the main road at Pos Chiquito. Endangering the heavy traffic and themselves.

**Come spend some time with us.
There are guides present who would enjoy;**

* Telling you about the history of the Donkeys in Aruba
* Showing you around
* Answering your questions

We are located in Santa Lucia.
Turn to the right at "Ayo Rock Formations"
and after half a mile you will find the
sanctuary on your left.

Open every day for speaking hours phone call 296-063 / 580911 - 925086 - 046891
Check our website at: www.arubadonkey.org

